

迦

陵

詞

全

集

迎陵詞全集卷九

宜興陳維崧其年著

黃岡杜濬于皇

弟維岳緯雲  
參閱

蕭山毛奇齡大可

宗石子萬

典化吳元萊北海

男履端校

慈谿姜宸英西溟

姪賜薛

婆羅門引

題露筋祠

露筋祠下寒蓬森森去何之停橈一間靈旗悵悵千年古  
廟陳蹟幾人悲只風前燕子雨後棠梨俯仰歔歔憑弔  
處更憐誰惟有淮陰漂母一樣顰眉估船爭泊問何人拂  
蘇一題詩依稀見玉佩珠衣

香櫟

晚風千顆纍纍纔與畫簷平  
綻來剛趁秋晴怪底勾圓如  
許青女手搓成乍迴廊小摘  
冷韻旋生 冰蕤翠罍壓疊  
在小紅檠弄影夕陽黃處  
檀暈偏明空香如雨最宜人  
昨夜恰微醒何須數西嶼霜  
橙

荔枝香

早春校香嚴詞竟寄孫無言於揚州

雨後春梅初浣開篋衍  
試取紅杏尙書小令閑編纂  
幾番拍徧新詞絕調千秋罕  
翻惹簌簌輕塵畫梁滿 書寫  
竟正江上楚山晚鴨綠粼粼  
笑倩雙魚寄遠到及廣陵明月  
橋頭夜簫煖早付竹西歌管

拍闌干

過礫庵書事

沉今檻外分明有箇人兒在  
隔着軟簾聞細欬轉過屏間  
做就生疎態夜來曾否春醒  
害底事無言只撚筇篨帶  
曉寒佯脫紅綿耐檢出香詞  
細覓檀奴解與人暗把風情  
賣嚼爛花箋碎向粉牆拋灑

祝英臺近

咏橘

水濛濛烟嫋嫋紅遍江南樹  
小陸懷中數顆偏憐汝笑他  
梅子心酸蓮兒心苦都讓爾  
甘芳如許增悽楚記得解  
橘春纖指冷偎人處一別吳  
娘往事渾無據自從那日傳  
柑幾番元夜總則是淚珠如  
雨

元夕後一日同雪持京少飲雲臣齋頭

軟簾垂孤館。悄燈燼、穗還裊。纔過元宵，便有嫩陰做。幸值  
後侶嬉春狂。朋選夜、摒擋得心情較妥。斟紅糯，醉後多  
恐塵寰無計容。畱我小海傳聞，種露桃千顆。與君撫笛宮  
牆，掃花洞府，剪幾闕霓裳。偷和

善權寺相傳爲祝英臺舊宅寺後一臺云其讀書  
處也壁間舊有谷令君一詞春日與雲臣遠公  
披薜讀之共和其韻

傍東風尋舊事。愁臉界紅筋。任是年深，也有繫人處。可憐  
黃土苔封綠。羅裙壞，只一縷春魂拋與。爲他慮還慮。化  
蝶歸來應同鶴。能語贏得無聊。呆把斷垣覷。那堪古寺鶯  
啼亂。山花落。惆悵煞臺空人去。

舟夜聞簫

水烟昏塘月午欵乃亂更鼓颺杳空檣浪急打楓櫓恰逢  
羈客停船誰家樓上忽飄墮簫聲一縷淚如雨對此萬  
里清光舊家在哪處人世何聲更似此凄苦依稀記宿江  
州蘆汀蓼渚有十萬夜猿齊語

題季柔木小影兼誌別懷

紅韎韐紫羅囊小縛黃皮袴快馬健兒裝急憑君作更聞  
歷落嶽嶽交游然諾依稀是君家之布歲行暮可憐雪  
浪烟帆來朝趁人渡呵手敲冰爲君一題句他年展軸哦  
詩懷人顧影好頻寄江東魚素

糊窗

臬署作

研光箋白地錦糊就幾楞雪玉淨珠融不怕沍寒冽虧他  
貯旭娛冬畱香伴夜惹月練和烟紫纈寸心折那得降

咂鶯穿漏箇針尖缺歸夢徜徉免被瑣窗截翻思故國茅  
簷殘缸擁背聽敗紙戰乾風葉

春游偶憇靜山禪院

隔溪村臨水店行處誤偏好趁寺尋鐘鐘響冷於瀑粉梅  
纔綻些兒被誰烘坼筭晴色朝來逾峭亂帆杳一半消  
入烟中空潭劇幽窈小憇經房無言只微笑此時正定吟  
魂浦禽多事又踏折一枝烟篠

維摩天女恰同叅爲問牛叟賦

牛叟兌闕遺徵曰妻屢勸予叅訪者

宿究向上一着而以鈍根未果近慚龐祖遠負萊妻

水精簾翡翠鎖不許俗塵沈繡罷鵞摩窗畔茜絨唾分明  
簷蔔林香楞伽寺靜只多了阿奴旁坐歸去可好趁水  
月潮音早上雪山座怪煞蕭郎彈指景光錯請伊試看人

閒閒花浪朵總一雲笛聲吹破

送陸雲士之任邳縣

雁頭爭龍尾撥曾記帶儂處轉眼畫旗嫋嫋引君去遙知  
小陸風流來春縣裡種紫艷紅香無數邳縣路森森晚  
渡秋山我昔作行旅一髮中原風起濁河怒君經洛水平  
橋陸渾小店定和我蘇齋題句

杞梁妻祠下作

在齊河縣  
長城舖

畫旗飄靈幄捲彩翠剝如雨玉貌明粧隱隱怨蛾聚可憐  
枳殼花開凝丹點絳盡千載啼斑偷注黯凝佇滿壁水  
壘全昏猶把斷腸譜繡帔尼師指點向廊柱怪他跋後長  
城崩餘粉堞忒畫得周遭如許

壁上畫杞梁遺事  
一帶長城歷歷

四園竹



題西陵陸盡思繞屋梅花圖像

西陵高士小隱段橋東十年酒聖半世詩顛千古文雄銅  
將軍廵道士楮先生者三君踪跡時同屋如蜂屋頭無  
數冷香籬門都浸其中鎮日和烟和雨點點欹斜片片朦  
朧杯在手長劍帽林間一笛風

龔節孫臥疾東郊秋日過訪用片玉詞韻

山光水態濃淡上烟扉菊搖暗壁蛩語襲廊人臥蕭憚停  
碧簫歌翠尊檀奴嬾况小窗風月應知漫淒其牀頭尚  
有龍泉從君且訂交期戲作藥名艷體閒檢方書寫上香  
牋臨欲去日影埏茶烟颺漸稀

換鴈牒

詠牒

一生踪跡總在花深處幾番消受小院紅樓午粘來珠帳  
如癡蕩上繡裙成雨有人記曾暗結同心苴如今重到  
依稀不認他門戶滿園野菜領游蜂三五惹殘流水難憑  
舞徧微風莫主賺人一天花絮

側犯

奚蘇嶺先生書來訊我近況詞以奉柬

罷官不樂書簾暮卷空江雨無緒憶卷書溪頭有人住堵  
前灌莽合屋後甌梅古傳語問彊飯還能著書否使君  
足下別後難行路嗟帶甲滿乾坤只有儒生誤昨已廢書  
行將學賈市上屠牛山中射虎

百花洲訪南水上人

閒尋茂苑摘船磯徧琉璃滑明滅望半畝精廬隱林樾空

香粘茗粥野翠連巾拂幽絕想夜夜經臺浸秋月 吳官  
似夢往事和誰說舊時節記盈盈水面蓮歌徹幾陣西風  
繁華吹歇滿江紅蓼一團黃蝶

送入我門來

同龔仲震小飲高汝敬紅梅花下

高係忠憲公孫  
所居卽忠憲祠

松漱微波山鋪暝翠軟風吹得帆斜柴門將掩步屨詣君  
家靈均祠畔多香草總變做孤山樹樹花 小縷紅糟鷄  
跼選花陰碧磴弄酒拈茶况有良朋憑醉作生涯明朝搖  
櫓入城去約仍過山窗聽暮鴉

寄書

香茗才情簪花模樣斜舒蜜色牋兒霜毫纔吮早已淚如  
絲楚天樓上湘娥倚奈湘雨湘烟十二時 說與天涯游

子近日懨懨春病生怕難支爲起雙魚無物寄相思眞珠  
滴向紅綃滿怕綃滑珠圓難寄伊

一叢花

咏白丁香同遠公天石和原白韻

一枝低亞晚粧臺吸露沁蘭胎李花柳絮都難似染梨雲  
一色新裁白粉牆邊水明樓上動竊玉情懷 纍纍銀粟  
費安排爭趁月中開曾經打就心頭結相看處瓜瓜疑猜  
記得重門和他小摘此事十年來

楊梅

江城初泊洞庭船顆顆販勾圓朱櫻素奈都相遜家鄉在  
消夏灣前兩畹蒙茸半湖暮壓籠重一帆偏 買來恰趁  
晚涼天水井小亭軒粧餘浴罷春纖濕粉裙上幾點紅鮮

莫是明朝有人低問羞暈轉嫣然

閏三月三日竹逸齋頭看紫牡丹記前月修禊處

山故前半闋及之

琴川前月記幽探艇子漾柔藍冶游恰值人修禊風光在  
碧嶂紅潭街上飭簫山邊薺菜春色上春衫今朝魏紫  
放晴簷麗景十分添一年最好惟三月誰頻見兩度重三  
花好逢王春濃遇閏樂事艷江南

玉女度千秋

新譜曲上四句傳言玉女  
下四句千秋歲後段同

壽吳母任孺人

八十稱觴齊仰裙笄尊宿如雲子姓捧鈿車歷碌春暉紫  
寸草巨室森喬木思往事青陵臺上歌黃鵠歌罷歸來  
母績還催兒讀兒已成名孫又饒蘭玉真妃來洞府天

舊醺醺願百歲前裙常趁晴波綠

母以上已日設悅

### 過澗歌

#### 暨陽秋城晚眺

壞堞頽闕暮烟積悄乎無人祇聞江聲千尺混茫極恍見  
水仙海妾採月金鰲脊吾長嘯泉底恐驚織綃客 春申  
遺壘在古戍吹笳亂洲伐荻碎把闌干拍沙草無情不管  
典亾朝朝暮暮西風只送巴船笛

#### 顯德寺前看楓葉

嵐翠濃於草鞋夾繞坡細流淥淥暗通茗雪谷聲遶下落  
亂泉聲裡愀悄如相答此間景純得關仝巨然法 寺松  
三百本雨溜蒼皮霜彫黛甲禿榦爭欹壓笑語同遊黃葉  
鳴簷丹楓裏寺如何不荷埋身鋪

自蜀山至李墅一帶居民皆背山距河以陶爲業  
沙鳥清曠墟落邈然紀之以詞

夾岸斜橋界山側衰延陌阡人家柴門俱仄翠螺織奇者  
獅蹲象跛欲起還愁踣崖門破總被老苔壽藤蝕居民  
燃楚竹散誕陶漁巖棲澗食帶雨閒搏埴陶侃甓前畢卓  
甕頭罌烟四起陣雲一朵壓城黑

側犯 第二體

真娘墓和扶荔詞韻

碧闌干外小墳一點衰桃駭淒咽剩綵袂飛灰化蝴蝶靈  
旗飄復偃社火明還滅芳骨約西子吳天訴潭月三生  
事五更風陣陣傷簫歇耳邊怯怕枝頭又到啼紅鳩昨夜  
聽歌石塲如雪夜臺猶卸玉簪偷節

紅林擒近

咏佛手柑

芳樹來甌越名同吳下柑風調軼橙橘芳華擅閨襜玉人  
夜涼酒醒怪底薰透紅衫此際寶鴨休添香氣十分霑  
月底偏濯濯枕畔故摻摻佳人笑說雪山花辨曾拈自塵  
情未斷佛猶如此合掌長思伴玉纖

人日雪中作

千斛玉塵暗萬家水館開海素障窗牖絕霜凍粧臺扶將  
銀人上勝染取白燕搖釵獻歲七日剛纔偏砌就瑤街  
阻絕挑菜侶愁極踏青鞋何時出郭春晴好散春懷待傳  
柑過了賣餠節近湔裙淮傍溪水涯

大鴻有西河之賦作此代唁

大鴻次子無遠  
沒於嶺南幕中



黃玲沉香浦綠屏惶恐灘山郡荔枝葉驛樓鷓鴣斑鬱孤  
臺高一去瓊島水濶難還金齒細屐花間茜血灑紅蠻  
黎女雙袖淚梅嶠百重關檳榔椰子枉勞贈自珠官悵花  
田草滿海天月出小籠失却金尾鴉

小鎮西

臬署夜坐聽前庭演劇似是邯鄲巡河一齣追憶  
東臯舊事感賦此詞

小殿夜笛風碎珠十斛歌絲裊檻花輕簌此何曲翠陰陰  
尋去如塵想處疑烟一庭幽瀑滿塲哀玉逗紗麴漸徧  
聲細認是邯鄲曲年時景暗中潛觸瘦蛾感悵零簫剩管  
耳邊又續筭來人世偏有黃梁難熟

皂羅特髻

愁慶雲庵方丈後小軒

山風幾斛吹萬笏晴翠寺前堆積陰陰竹院與塵寰都隔  
斜川外幾姓漁蟹携絲筍醉臥菱湖柵雨添濕翠怕晚來  
偏劇小巖僧寮茗粥助玉川茶癖禪榻後三間茅閣恰  
面對九龍峯脊推窗驚叫怪龍鱗都裂

有有令

咏畫眉鳥

風柔日媚一盞小金籠繡簾深處墜紅芭同心結緊綰在  
東風裡最愁他點徑晴蜓銜泥燕子往來容易嬌影剛  
臨淥水倩小玉摘相思子好把鴉兒打去休攪春宵睡隔  
花悄喚名字遠山卓氏錯認做畫眉郎至

最高樓

登原白齋中露臺

闌干外森森暮雲平  
疊疊亂峯生  
六街燈火烟中沒  
萬家簾幙雪中晴  
好樓居吟不就  
畫難成一弄  
一會桓伊天際笛  
一會稽康林下屐  
憐故國笑浮名  
典酣便擬驂鸞去  
酒狂乍可御風行  
俯塵寰青一點月三更

驀山溪

感舊

碧雲薄暮畫角誰家奏  
深院火熒熒好風輕翠幃微縐  
水輪徐上無語掩屏山  
金鈎瘦鮫綃透人在銀燈後  
年時小苑良夜曾攜手  
低掃淡黃蛾漫垂垂  
玉人紅袖如今人去  
門巷也依然紅橋口香街右  
一帶青青柳

天穿節次寫魯卿韻

宋以正月廿三爲天穿節  
相傳女媧氏以是日補天

曉寒側側繡戶涼如水燈市火初收不十日春喧北里都  
城士女結隊踏天穿珠絡鼓畫樓旗漾在東風裡江南  
詞客生長烟花地可惜是穠春最難忘夢華遺事倚闌悵  
悵暗裏憶當年新雨後板橋西那處人家醉

東溪雨中修禊

蝸廬蟻國不醉公何補脫帽放狂歌自古說英雄無主携  
朋命酒船泊畫溪東挑薺菜焙新茶飽看浪花舞小村  
背郭蘸綠楊千縷春事漸飄零總付與數聲柔櫓今朝天  
氣何必定鮮新三月雨一湖風翻樣蘭亭譜

惠山泉亭看月

亂崖杏嶂肯放籃輿倦鳴咽夜泉吟石欄邊冷雲鋪滿携  
將一卷陸羽關茶經煎雪乳碾龍團幘向松風岸碧天

叫雁街鼓三更斷  
矯首盼冰輪心已共  
輓轡爭轉今宵桂  
影休墮纖綃宮人更  
悄夜無聲恐惹魚龍  
怨

禩日感舊

悼遠  
公也

去年上巳正值春陰  
候千古艷蘭亭況歲  
是重逢癸丑濃  
濃烟艇小泊畫溪東  
林花溜溪花皺雨濕  
春衫袖今年  
上巳滿眼花如繡又  
到去年春只少箇人  
兒攜手雖然無  
雨難道是晴天淋漓  
久非關酒依舊春衫  
透

虎丘送春夜同顧伊人天石畱宿山中次伊人韻

風濤掀舞鞦韆何曾  
住曛黑斷人行便簪  
帽櫻鞋難去堂  
堂春盡含淚唱淋鈴  
鶯花數長亭路註定  
今宵雨夜方  
踰午投宿支公宇禪  
榻不成眠聽牆外曉  
鐘將度飄紅墜  
粉何限寺門情挑燈  
句凭闌語各有關心  
處

南礪山房作

朱扉碧檻壘石支牆罅曾記鎖東風誰輕到小簾櫳下如  
今世換松鬣枉拏雲人去久小樓空園裡梅俱嫁 支頤  
太息此意誰知者眼底足悲歡休騁望秦臺漢瓦梅風醒  
夢何必訴興衰閒酌酒細捶琴自把高懷寫

新荷葉

采蓮

水郭開奩釀成一片湖光翠蓋亭亭扶他幾隊紅粧誰家  
女伴采蓮歌競下橫塘吹來笑語竟川霧鬢風裳 日暮  
歸來畫船猶剩餘香此際冰輪天邊又送新涼覓蓮得藕  
心兒苦隱隱商量今宵蓮子劈來生怕空房

本意

綠繩成帷江妃織手初紉疊徧錢錢較花饒有清芬蓮舟  
出浦水雲寬碧到無痕嬌擎翠蓋彩鴛穩護腰身 風起  
青蘋纔低旋舉續紛戲灑泉珠側盤瀉玉傾銀摘時須早  
怕秋來最不宜人後湖衰柳同他一樣消魂

新霽郊外紀游

日麗風柔水邊天氣鮮新閒坐斜橋數完幾折溪痕酒旗  
戲鼓怯餘寒未滿前村小紅乍乳鶯聲一巷纔勻 節過  
收燈風光尚未踰旬粉糝疎籬誰家香玉粼粼雖晴嫩霽  
似垂髫好女盈盈江南烟景殢人尤在初春

踰天長郭門里許修堤被渚高榆蔭街隔水一亭  
日放生池菱荷沙鳥頗極幽映歇馬徘徊賦詞

寄興

席帽炎途，長征事與心違。歇馬溪橋，拍波水鳥斜飛。林泉  
幽邈，涼如雨，亂點人衣。曲潭脩坂，新荷短菱，成圍白板。  
雙扉茶烟輕颺，漁磯小店，雛鶯江南景，未全非。被他重喚，  
楊州夢，往事依稀。蜀岡凝黛，迢迢送我難歸。天長爲初發揚州第一程

早梅芳近

咏玉璫梅

整偏佳，斜更好。風格那能到。粉牋欲賦，除是多才李，清照  
亭亭情意厚。娟娟腰肢小。正入春陰重，白處粧樓曉。夢  
無憑，愁不了。從古江南道。天寒日暮，此意惟花堪共表。文  
犀慵再掠，金鴨羞輕抱。撚梅花，今年驛使香。

柳腰輕

贈妓和柳屯田韻



白家蠻柳絲絲軟織不盡鶯和燕釀雪輕陰填詞狎燕况  
遇曲中高選泥金襴蕉雨逾鮮墨花襦無風猶顫誰耐  
銅箏袞遍小立在紅橋窄板文鴛薄倖青娥憔悴鵲信沉  
吟都變偏今夜不肯畱饒聽門前暮鴉啼斷未數語調  
蘭次兄也

千秋歲引

壽蓮庵先生七十

松作龍形棗如瓜大游戲神通復何礙當初揺鞭過章杜  
而今泛宅來吳會鳳凰池麒麟閣抽身快且喜墨離山  
潑黛且喜元宵燈尙賽萬事難消風月債茶鑪沸來同字  
煮酒旗挑處和愁賣四時花三弄笛身長在

拂霓裳

冬夜觀劇

釀寒天六街皓月盪成烟腰鼓鬧騰騰雨點打來圓銀燈  
籠暮靄鐵撥迸秋泉映嬋娟想後堂笑語總群仙 教坊  
絕藝一隊懷智龜年君不醉風光辜負十分妍醉餘偏惹  
恨歸去不成眠忽淒然悵桐花一樹翠簾前

爪茉莉

月夜渡楊子江

淼淼江天聽中流笛響推篷看一川淒爽六朝遺蹟問風  
景幾曾無恙只隔岸建業城邊有商女深夜唱 一輪圓  
月與船頭正相向越顯出萬層銀浪十年作客筭將來祇  
悲愴且渡江溷跡騎奴厮養學販畚兼鬻醬

茉莉

暑院追涼憶炎荒軼事蠻娘圓瓊天粉地任他開落極望

與籬花相似更帶暝綰雪成團沿坊叫喧夜市  
贛州船下到吳天伴羅綺相寵愛夜堂空翠而今離散判分携幾  
千里料幽花也怨月明如水海天冷那易睡

滿路花

荷珠

紅綃水面粧碧玉波間柄低迷扶翠蓋西風勁玉人搖櫓  
隔浦蓮歌競花面交相映戲取春纖掬他潭水芳冷  
灑來錯落盡向錢錢迸鮫珠圓又碎難持贈低鬟凝想總似  
檀郎性蕩漾何時定惆悵迴船碧天早挂明鏡

贈梵公

師住雲門工書畫  
時以選詩來荆溪

荷錢貼野塘竹粉粘晴砌師從何處到雲門寺零箋爛本  
點筆聊軒輊試將小語戲高岑王孟關卿定復何事平

山堂下鴻爪依稀記北邙王與宋曾同醉

謂西樵荔裳兩先生

重逢

瓶拂頓下山陽淚更欲游何地他時念我巨然小幅須寄  
咏禹門寺前一帶頽崖峭石

嵌空撐戶牖鑿翠支堂與淙淙巖溜響喧銀瀑磽确谿訝  
鐵色粘青嶠石笋攢丹竈積雪層氷玲瓏原隰俱縞或  
爲怪鵲或作千年豹或似秋江岸晴龜曝林青日黑山畔  
歸樵少野火連天燒虎腥如雨瘦石此時更峭

迦陵詞全集卷九終

迦陵詞全集卷十

宜興陳維崧其年著

平湖陸 桴菀湖

弟 維岳緯雲  
宗石子萬 參閱

海寧沈 珩昭子

選

華亭彭開祐椒崑

男履端 校

鄧州彭始奮中郎

姪賜薛

洞仙歌

咏慈仁寺古松壽紀伯紫

摩空翠鬣萬古知難老色作青銅雪霜飽似杜甫驚人馬  
卿慢世二子者可以狀君兀冪 託根燕市側游戲支離  
一笑風塵此鴻爪任絲管喧闐貂蟬赫奕更七姓鞭絲醉  
幾只西風吼處作濤聲對鳳闕龍墀吾存吾傲

過汜水縣虎牢關作

積鐵蒼然關勢臨崖倭嶄絕東京好門戶挽藤蘿月黑誰  
恐行人落葉捲聲似半中哮虎無情惟洛水日夜東流  
不爲愁人帶愁去寂寞北邙山苦對西風排一派唐陵漢  
墓任弔古傷今已無人只霜打棠梨暗啼紅雨

偶過岵雲上人蘭若見其庭下紅梅盛開漫咏

傷春病酒日三竿貪睡睡起閒行巷南寺老僧烹活火碾  
罷龍團七椀後門外爛柯誰記慕看花朵上頰臉微烘  
似帶三分午前醉索笑漫沉吟莫是東隣茜釵上火珠初  
施只認做空門本無愁又誰信枝枝盡彈紅淚

善權洞

天風忽下劈破青紅繭夸父愚公費裁翦看千嶽倒矗萬

笏斜垂鋪碧蘚一屋閑雲自鍵玲瓏光上下一串銀房  
偏借虛空素層廡洞底洞還生下有泉鳴聲聲亂雲中鷄  
犬只石怕春寒悄無人却走入墻陰化成雷篆

善權寺內有雷書火篆

澹心園次梁汾問波靈本偶集寄暢園聽小奚度  
曲坐有話水榭姬人近事者因并及

嫩晴天氣坐水明樓畔三疊泉聲訴幽怨霎然間山半冷  
翠飛來君莫去且掉銀船消遣玉鱗微動處紅綬雙銜  
隱隱歌絲逗簾幔半闌小秦王入破方纔珠千顆撒來成  
串又誰話當年杜秋娘覺雁柱添愁聲聲都換

### 西瓜

嫩瓢涼瓠正紅冰凝結紺唾霞膏鬪芳潔傍銀床牽動百



尺寒泉縹色映恍助玉壺寒徹  
夜深呼碧玉同倚闌干  
月色荷香兩清絕笑問破瓜無此夜  
瓊漿須憐取寸心長  
熱見手攬金刀細沉吟悄不覺紅潮早堆肌雪

乞巧同蓮庵先生賦

碧雲耿耿見銀河。低瀉人在針樓。曝衣罷告天孫。臣本屠  
釣江東。疎拙甚願以珠絲巧借。天孫含笑答見事卿遲。  
大抵聰明讓聾啞。試看古今來。劉項孫曹都畱做殘編閒  
話。只賜汝狂騃倍常年好爛醉高歌。花天月夜。

從楞伽上方塔後覓徑下坡過前村觀劇

晴峰亂矗似叢叢春筍貼向吳天翠無盡映澄湖幾幅純  
綠柔藍紛織處烟際漁榔隱隱斷崖橫塔後捫葛攀蘿  
私路縈紆細如蚓村鼓正喧闐寒火成圍籬伶唱消魂院

本訝鸞地風飄綠楊絲乍小露墻頭一群紅粉

題採芝圖爲顧卓侯賦

蒼皮黛鬣滴金膏丹溜下結千齡赤芝秀有先生杖挂長  
柄葫蘆籃子內百本木華紅繡塔然雲水興瓢笠隨身  
煉木餐霞老巖竇戲劇挾苓歸封寄軒轅雷文篆形如鳥  
獸笑多事商顏四先生同溺過儒冠一般皓首

途次曹縣

河流浩淼去粘天無岸白草黃沙古曹縣問居人誰是舊  
負羈妻誰惜我十載蓬科未轉一鞭官渡口颯颯西風  
落照昏鴉太零亂歎息舊繁華往事還非智井畔兔葵開  
徧訪昔日東平故侯家悵綉戟牙幢一時都換

前朝東平  
侯劉澤滿

故曹人

上巳後五日游吳門觀音山

紅船綠浪雁翅排將徧早有香車俟春岸內家粧誰要小  
鳳簾垂和弱柳鬪取腰身纖軟 麝裙飄碧磴艷粉群群  
盡倚晴巒譜幽怨脉脉祝空王擲眼兒郎願歲歲幃前長  
見又語悄風微怕鶯知早杏臉潮生碎按花瓣

龍理侯納姬秦淮詞以贈之

銀床滑簾碧陰陰秋水昨夜簪頭喜珠纒青溪紅板艷  
粉濃蛾娘尤小第一南朝殊麗 江湖輕打槳船近樅陽  
恰恰喬公舊鄉里匿笑語檀奴斗帳櫻桃祝蜚蜴早添懷  
裡也不枉人間喚乘龍看紫貝霞綃海天無二

題喬石林舍人桃源圖小炤

漫郎單舸壓半溪寒玉流向秦人洞邊宿漸前村竹外一

兩三枝斜照流水板橋茅屋 忽然奇絕處極望花枝  
盡亞東風騁肌肉萬樹滴臘脂下映平坡都不許靡蕪成  
綠也莫問花紅種田人只鷄犬桑麻迥離塵俗

證前生爲閻牛叟賦

牛叟兌閻遺徵曰予生于閻故生平癖嗜尤在楓亭荔枝

妻屢辨裝助予入閻矣荔枝以遠道遠邇未果也

海山奇處綴晶丸千顆老客炎鄉儘還可恍瑤京仙子絳  
縠中單西風起一笑迴身欲墮 前因圖再訪爲牋雙栖  
欲上烟檣未曾果彈指綉屏空碧落離鸞先已在翠蓬山  
左拚不見今生荔枝香怕見了添思玉人梳裏

催粧詞爲宋念功賦

念功彭氏婿

中朝樞府蠶紅牆翠瓦年少郎君况淹雅看今宵井絡不  
見天彭剛一笑已向人間下嫁 銅輿聲漸近百盞晶籠

映得天街不曾夜，尙有心情欄角沉吟。故意看西山嬌冶，也不是蕭疎愛看山。要選箇遙峯小，眉邊畫。

夏夜憺園隔水聞笛

燈青鳳脰正參差，齊點屈戌玲瓏帶愁掩。恰濛濛天水浸赤闌，橋人不寐，夢到空園偏處。笛聲何處響乍有，還無似在荷深那邊檻。隔水倍清蒼，竹脆絃輕，更潭子鴨頭新染。纔摹得風前不多聲，又撩入伊州小秦王犯。

戊申上元陰雨示楨百雲臣青際

春陰春雨把碧天偷換，贏得情思凍雲繡。料高樓小市火樹銀花都不見，有也無人尋玩。狂朋應似我手撚玉梅低歎，心頭舊愁滿。早薈騰孤睡笑逐鈿車人影亂，拾得遺釵一半更燈炮。鷄鳴夢回來空斜壓衾，窩孜孜細看。

十三  
句多

二  
字

黃鶴引

咏半繭園雙鶴

榴紅乍吐下有胎仙暗來去  
條然映水梳翎琴心對舞珠  
衣雪舉凝想水天深處蓬山  
洞府會記得清涼無暑  
一  
自謫塵凡幾徧傷羈旅幸逢  
水冽泉香此身有主鶯啼燕  
乳啄破綺窗花午人間愁苦  
輕別了吹笙儔侶

秋夜月

蛟橋望月

月兒圓也趁金風舒皓彩  
碧空斜挂浸着兩溪玉浪一  
城  
霜瓦水樓上招紅袖許多妖  
冶閒話都笑蟾孤兔寡  
橋  
頭月下記當年周子隱會將  
虎射千古靈旗颯颯奏堪

畫到而今嗟滿目漁村蟹舍濤聲偏只共更聲打

蕙蘭芳引

咏木瓜花

綠水人家有一樹垂垂紅雪瘦影亞雕闌帝盡春禽百舌  
玉娥睡醒問何處麝蘭偷泄恰侍兒報道枝上名花纔結  
記得良人曾經漬粉去秋時節歎雖有好香不比此香

清絕那知花朵一般芳冽愛清芬莫對傍人輕說

古詩云良人爲

漬木  
瓜粉

咏蘭

溪店寺橋映一帶銅峯蟻簇有黛葉離披露萼烟條齊  
參差鹿柴音日給與幽芬千斛似佳人絕代零落今依草  
木數朶微含一枝乍秀淡淡如菊笑穠李天桃祗解羣

常粧束無言一笑嫣然空谷想采時無數裙腰都綠

洗鉢池中有贈

客裡無慇懃見處繡簾斜軸恰暮雨瀟瀟低唱傷心人曲  
相逢却扇板橋西數枝春竹正籠中鸚鵡叫醒一窩紅玉  
拂上吳裝一聲欸乃碧天如沐愛香藕花輕偏打向船  
窗簌簌嬌歌妙舞明眸曼睩記昨宵水色半城都綠

簇水

春雪

有影無聲小樓一夜堆瓊覆撒鹽絮舞遍天涯六出最  
愛輕鬆纖軟雅稱紅閨客遮不住空青簾翼 春陰積怪  
此際曉寒何重圍紅歌偎窗隙樓前莫管一任騰騰瑟瑟  
且淪鮑家香茗雪水傾來白紅日照消入一池深碧



見古寺放生馬而歎之

回憶當年霜蹄刷盡幽并夜草頭一點猛氣削驚駘凡馬  
羸病誰歟牧養羈勒從寬假摩背癢秋陰墻罅血淚灑  
歎日暮群烏啄肉伏棧樞成悲咤西風夜響重叙起沙場  
話俛首沉吟烙印驀聽僧鐘打餘生也託象王臺下

舟過梁溪不及泊舟遙望龍峯有作

百幅晴漪漁舟箇箇能輕妙幾村紅樹將郭外人家縈抱  
歷歷葦花明處是水仙之廟正薰上一縷殘照 隔水嬌  
喜幾日金風弄霽做晚翠十分峭蒲帆似鳥翅競向秋空  
矯姑待伍塘游倦重與停吟權茶鎔沸錯認山園瀑

華胥引

咏走馬燈

烟中鎧仗影裡弓刀往來似織一片空明夾紗水墨描繡  
翼笑問何代兵爭更何朝方國滾徧街樓有人喧笑簾隙  
些子光陰恰一般星馳颺激寸人豆馬依然幡幢戛擊  
料想灰飛燭燼戰場方息頃刻收燈紅毬悶靠牆壁

促拍滿路花

秋日同南耕衣白魯望弟偶憇城南放生池

崢泓寂歷甚杳靄有無間城南多古寺得秋閒風廊石瀨  
竹篠更檀欒游鱗翻碧浪雪鬣銀鬚此中大可投竿 伏  
西風寄語南山窈窕好烟鬟如何偏不厭老僧看南山覆  
我君自喜塵寰倘肯經過客秀黛三升日應給與君餐

鶴冲天

題邨生巽舍小像

像坐萬山梅花中  
一童子煮茶於側

寒崖綠染石竇低於甌極目總蕭林堆蒼艷更梅花作海  
綻香雪飄千點幽人巾自墊趺坐苔陰杳靄水明山店  
瑤翻碧瀲灩底泉澄湛童子潑茶光連幽簾翠花蕘注茗  
花沸乳珠成紺風情何澹澹乍展吳綾迴味畧如橄欖

題錢葆馥菴小像次原韻

吾鄉畫渚有個英雄處長想射蛟人空吟句如君饒逸氣  
偏不屑塵埃住沿溪尋釣侶晡曬江村一色壓銀欺葦  
君年未暮詎逐鴟屢去宵半躍頰盤滄波覓踞船頭弄笛  
快劈作闌江雨涼颼添幾許響入蛟宮吹亂織綃機緒

步月

本意

小市門東板橋巷北暗中瞥見芳姿明眸膩臉夜靜漾簾

衣碧柳映幾層衫子紅蕖露一輛鞋兒斜靠著江梅一樹  
剛到半開時 銅駝街又做奈珠屏似水此恨誰知弄春  
纖香橙代解迴秋水羅帕親携歸去也一鈎春月水仙祠  
玉人歌

楊枝今歲二十爲于齊統上作小詞

當日事記陌上青絲垂垂踈地拖烟蘸雨已解藏鴉未真  
珠簾額香毬墜做盡輕狂意影濛濛紅日三竿白花十里  
水驛飄零子謝青眼相看綰人征騎露葉如啼直得消  
魂死如今漸長黃金穗不在長街裡羨畫樓有主舞腰同  
倚

八六子

楓隱寺感舊

弄絲楊重過廢館閒池頓起思量正髣髴紙鳶舊處依稀  
竹馬兒時巡簷繞牆當年無限風光月照千山裙幄鶯  
啼一院糟牀漸舞榭成墳歌臺作寺松籬已老梅妻都嫁  
祇剩亂澗閒騰颺矮坡斜下牛羊太蒼茫疎林一坏夕  
陽

勸金船

茶花

綠紗窗底幽姿噴驪白花盈寸玉娥小剪明羅暈遞顧渚  
佳信檀心暗感悄向膽瓶安頓最喜粧樓小撚偏解春困  
茶娘家與春山近雨過香成陣不知名處花尤俊好傍  
人蟬髻懊惱瀆茶長把紅芳相混誰似伊行素雅並沒脂  
粉

惜紅衣

苦熱兼懷村居水木之勝

悶欲憑虛狂思拔宅人間何窄  
朶朶奇雲殷紅盪深黑溪  
西故隱三萬頃湖天一色猶憶菱角蓮鬚滿塘西舍北  
蕭蕭陂澤舊日漁船橋邊甚人摘年來鬧市永隔水雲國  
安得陽烏斂絳早與夜蟾堆碧更試攀華頂剪取古堯時  
雪

石湖仙

題放庵上人紅豆詞卷

春愁天樣將紅豆詞吟愁歸天上紅板橋西帘颺

最關情處板橋

西楊柳岸青帘颺紅豆詞中佳句也

綠窗有人爭唱吟紅叫紫儘舞絮沾泥

無恙梅放把一樽簷際相賞

南朝許多烟景被啼鶯梳

乾柳浪千古興亡只抵斜陽片晌且趁疎狂朝眠碧嶂暮  
敲烏榜閒騁望一生着屐幾兩

魚遊春水

春陰閨思

盡日香閨悄纔緬額東風料峭可惜紅芳如此匆匆過了  
做瞋遙天渾似墨妝陰野水愁難曉獨對菱花橫波淼淼  
惆悵更誰知道漫消受綠篝烟裊何日剪破層陰依然  
春好料得蘂砧愁遠泊也無燈火來相照怪底今宵黃昏  
偏早

秋日過金魚池

韋曲光顏澹有半畝金塘漱瀨一般紅鯉襯着綠波搖颺  
色分鳳闕丹初滴光映銀牆紅欲淡芳餌輕投縠紋微蕩

尙隔金溝紫纜難望見宮娥阿監輸他百子池中天香  
親染廢館何來簫鼓到空潭只被菰蒲慘獨對西風幾番  
傷感

萬紅友書來云適金沙周東會暨叙彞上人在舍  
可過郭外同看水色余以他事未赴作此柬之  
君家春磯嘴一點炊烟蘆荻裡渚花飛處綠到河邊樓子  
細雨賣魚聲掠村斜日焙茗人歸市塔爾捶琴兀然隱几  
報道今朝閒未好向晴川弄芳芷况來高士羊裘名僧  
塵尾那知有約長辜負自分無緣供驅使茫茫此愁畧如  
溪水

咏金魚

飛紅盈盈起跌下銅溝深半指一湖茜乳染就鯉魚猩尾



淺貯空明翡翠瓶小  
啜滌滑桃花水威錦  
裁斑將霞漾綺粧  
閣臨流徙倚笑語  
紛紛垂楊渙來往  
破藻穿蘋披蘭拂  
芷似分醉靨素鱗  
上悞唾紅絨銀塘  
裡微風差差綠波  
瀾瀾

雪獅兒

新正五日雨窗東  
雲臣用程正伯韻

蘭帝未醒梅粧易  
困愁褰簾幙曾記  
年時春向玉釵頭  
落淺斟低誚正斜  
凭香肩瘦削紅篝  
爇任他小院獨兒  
吹惡今歲雨梳風  
掠更寒膠釦盒塵  
封等索欲壞上元  
勝裡春人早覺脂  
慵粉弱此意倩東  
皇憐着幾惡託須  
把屑陰浣却

愁春未醒

春晚

鶯窺燕墨蝶上犀釘綃帳紫香雪夜珠和淚尚熒熒梳洗  
誰忺懶扶殘夢倚圍屏依稀記得宵來微雨曾撼金鈴  
綠水全昏紅闌半掩春困難醒風弄處釭花半朵小似晨  
星埋夢窗前生憎鷓鴣隔簾聽畫樓深巷賣花聲到纔  
還停

元夕後三日飲曹蓋臣宅適遇微雪用倚聲集中

韻

落燈風定舞絮天成聽沙沙雜簷聲滴亂酒床聲聞說  
南山小隊輕裘競射生是日闕諸公  
有南嶽之游吾儕無事且扶老懶  
共博春醒起望尊前林臯頓皓軒檻將盈恰蕭然四垂  
陰重六出花輕多少征人琵琶風雪醉龍庭問他何似疎

狂老子詩酒埋名

竹逸招同雲臣南耕雨中看梅余舟中既作離亭  
燕一詞紀事歸見雲臣南耕竹逸詞復次韻一

首

蝶魂欲栩鶯啼猶含尙是淺春候未容紅紫十分酣却喜  
君家玉娥笑倚兩三三判攜側帽徑乘短屐來過街南  
滿院橫斜一池清淺正壓雕簷儘消受一生花癖半世吟  
饒祇惜溪干畫橈斜閣面烟嵐花知欲別暗彈粉淚故泥

征衫

時予將  
往梁溪

牆外丁香花盛開感賦

攀來尙隔望處偏清筭開到此花闌珊春已在長亭滴粉  
搓酥小紅牆角倍分明明年年此際籠歸馬上遞徧春城

昨歲看花有人禿袖擘阮捱箏悵新來梁闌燕去往事星  
星只有隣花依依不作路旁情夜深難睡續綴花影篩清  
空庭

此先兄壬戌年四月十三日作也先兄卽于五月初七  
日捐館讀葬開到此花開珊春已在長亭十二字竟成  
詞識宗石于巳巳年捐俸授梓校閱之餘不禁聲淚俱  
下此閱已後廣陵散不復彈矣嗚呼痛哉四弟宗石謹  
誌于廬  
善堂

迦陵詞全集卷十終

迎陵詞全集卷十一

宜興陳維崧其年著

涇陽李念慈岷瞻

弟

維岳緯雲

參閱

黃岡王澤弘吳廬

選

建安鄭 重山公

男履端

校

鄧州彭始搏直上

姪賜薛

謝池春慢

乙卯三月三日作

烘桃染杏春到惹思量處弱蕙試新黃嫩蝶翻綿羽林際  
驚繞滿梁畔燕將乳颺歌旗喧戲鼓三三兩兩挑齊誰家  
如鴨頭搓短勺偏了城南浦半引前溪影碧上垂楊纒  
半取烟汀色綠蘸盈樽醕斟一斗思千古蘭亭洛水森森

波流去

鵲踏花翻

春夜聽客彈琵琶作隋唐平話

雨滴梅梢雪消蕙葉入春難得今宵暇倩他銀甲淅清鐵  
撥縱橫聲聲迸碎鴛鴦瓦依稀長樂夜烏啼分明淪清隣  
船話腕下多少孤城戰馬一時都作哀湍瀉今日黑闥  
營空尉遲杯冷落葉浮清瀾百年青史不勝愁兩行銀燭  
空如畫

花朝行玉峯道中用蝶庵詞韻

柔浪如酥遙峯欲笑檣烏陣陣迎人話說道今日花朝此  
去包山歌臺砌滿苔錢鏤玉簫金管勸東風媽紅艷紫頰  
遲卸頻訝往事酒邊燈下銅扉記隔鞦韆榭每到丁字

簾前群芳生日昵語何曾罷如今好箇奈何天一船花月  
春江夜

健兒吹笛

十上燉煌三過代郡翩翩緇袷黃金勒曾在僕射營門寒  
女如花偷譜李暮銀雁笛長城夜月一輪孤沙塲戰馬千  
群黑 今日鬚點霜花誰識故國何年歸始得幾徧關尋  
舊曲纔當入破又犯龜茲急卻陽城外遇鄉人一聲紅豆  
春衫濕

宜清

春夜聞雁

春夜紅粧枕怪賓鴻月底哀鳴如昨惹青衫淚甚時乾引  
紅闌睡何曾著記得當初楚天烟水碧湘樓閣攬玉軫和



金徽自分西風冷落 一霎年光又逢春社萬里鄉心作  
憶森森蕭關茫茫沙漠故園歸歟行樂花柳江南儘讓他  
鶯啼燕掠

或以鵝炙啖我飽而真詞

亦食糠覈耳只屠門大嚼差強人意笑當年哇說於陵問  
何人嗜同劉毅東郭長貧左車漸脫仰天直視秋社日恰  
分將紅掌鵝羣淨美 據案爬搔臨餐跳躍鋪歡真佳計  
似海客剗龍壯夫斫蔬飄飄凌雲之氣放箸盤空借君家  
籠中間戲

薄媚摘徧

偶感

舊家門閒院落有箇人兒在最玲瓏偏髮鬢濃蛾秀鬢無

賴輕紅架底青粉牆邊一樹睡香閒玉鴉又打來斜戴  
晚風大低颺茜花裙帶小做恹恹態疑有恨不勝嬌和烟  
早簇上眉黛一九涼玉挂向簾鉤逋髮未全撩記得瀕行  
送人欄外

淒涼犯

哭雲間友人金蓬山和錢蕪敘韻

秦淮水閣微茫景迴船使酒如昨笛床茗枕烟帆雨慢磨  
盟粉約江濤噴薄短咏長吟間作戲呼余長鬣者燭下恣  
譔諠重過酒壚縱歌譜猶存翠凋珠鑠玉京伴侶似人  
間也愁離索促返蓬山果然去驂鸞跨鶴研香箋漫寫沉  
吟怎睡着

寒柝

一星星火紅猶在更闌空館纔覺甚地勾欄那條京瓦暗  
鳴脰膊墻根市角風遞到一城郭索終不然啼謁弔月或  
是夜絲絡此際無衣子冷巷閒坊睡何曾着敲時和夢  
似徐拋零星珠電陡觸霜威愁殺是此身寒薄書崩騰柝  
聲四起山月落

前半闕  
多二字

### 雪獅兒

#### 本意

雕霜捏粉作西域萬里狻猊攫拏爪距側腦平蕪猛氣號  
騰何怒奔犀駭虎更何論田間狡兔似飽老裝成假面筵  
前決賭道上兒童戲汝筭冰漸雪盡愁伊無據恰遇獅  
王微笑擲花而語明耽洛下費幾許銅山纔鑄今何處一  
樣荒烟細雨

戊午秋西城獻黃獅子至一時待詔集闕下者不下百人皆作詩歌揄揚盛事崧亦填詞一首

大勾臚唱問幾日林邑船來九賓列俎異獸來庭不羨雕  
題碧帑軒然爪距色灑上銅盤仙露綵仗內開裝蠻帶形  
模似否却笑偏阪葛土記孫郎舊日小名同汝蠶爾黃  
奴詎識真龍有主銅絛難掣軹道上降王嬰組堯堦舞赭  
幄墮隴日午

原本第二句無  
問幾日三字

### 轆轤金井

咏閨人汲水浣花

落燈風定粉牆東梅英一點紅小景物融和愛春光恁好  
鸚哥弄巧與簾內浣花須早况有階前東風露井一泓清  
曉行來碎珠自昏倚銀床百尺輕漾素綆却訝琅然觸

銅瓶聲悄多年玉導看依舊鳳蟠龍擾手撫遺釵裙扶花  
影歸房微笑

法曲獻仙音

寄嚴覽民錢寶汾顧華峯三舍人

蜀肆先生漢家夫子新謁帝承明殿最喜金閨壁人聯轡  
吳郡顧榮揮扇更驚聞三珠樹錢起湘靈怨人傳徧思  
往日江東婉娈紅燭下挾瑟鳴箏公譙詎料鳳凰池三子  
者一時妙選十里朱簾爭看煞黑頭王椽只凌雲一賦揚  
意何時方薦

咏鐵馬同雲臣賦

赤兔無成烏騅不逝屈作小樓簷馬碎珮琮琤叢鈴戛琫  
依稀客窗閒話更烏雀時相觸霜欺兼雨打幾悲咤想

甌山坡師常捷

一畝書齋白楊樹今番滿矣想十載墨池滋味不過如此  
芍藥風流可賜緋丁香年少宜衣紫問奚爲蹀躞鷓鴣橋  
無聊子 簫欲哭紅水璽琴欲笑玄霜藥歎騷茵墨寶命  
儕歌婢硯締半車蘭葉鬼詩斟一斛茶花髓也紅顏絕代  
可憐人因誰死

白柳黃羊宛繪出傷心片幅酸切處短霜供曩古烟供讀  
觴弄於君何必怒飄浮似我原堪哭聽黃陵磯畔夜深船  
淒涼曲 梨園內絲憎肉田園內花欺粟更臬麻謗錦養  
施詭菊百隊錢刀爭作橫一身風雅單爲僕倚酒悲亂擊  
紫珊瑚鳴如筑

咏雪

雪灑彤墀看帝里風光不惡恰喜是銀裝絳灌瓊雕衛霍  
粉妝班中年尚少玉兒宮裡腰初約更太平天子坐當中  
簾垂著御溝畔爭寒雀寶鼎外山呼却喜臣心似雪脫  
之良藥瑟瑟六花籠翠幄泠泠萬點敲金鑰問鶴行誰  
鄧中才從頭索官闕

連日微陰梅花外數聲姑惡憔悴是淨持小女兒家姓霍  
春夢盡寒偏易醒髣髴指冷應難約思沉沉獨自抱銀箏  
人猜著叙梁燕鞋幫雀簪處顛移來却看糝平鴛瓦鋪  
明紅藥沾濕怕汚郎白馬玲瓏不辨奴青鑰問何時乾鵲  
噪香奩從天索闕闕

萬里茫茫寄廬畔風狂雪惡歎當日漢家蘇武功高衛霍  
迢遞南天鴻雁信淒涼北海羝羊約縱機來朔雪亦堪吞

無衣著 傳書大邨環雀忠孝事難忘却看詩諺同澤史  
譏嘗藥夢到龍樓飄瑞雪六官夜宴黃金鑰正醒時蘆笛  
起邊愁風蕭索

塞外

六出花飛側耳聽金鈴大惡正勝六撒鹽飛絮瀾漫揮霍  
緇罷額黃簾四捲妝成蛾綠鈎雙約任樓頭倚遍玉闌干  
難安著 歌竹子彈翎雀舊時曲都拋却悔姮娥清冷多  
因偷藥燒盡深閨紅獸炭闌殘別院文鱗鑰只雪沙浙瀝  
打空堦秋千索

樓中

四世三公袁高士人身不惡也不羨東朝田寶西京金霍  
大雪不知秦與漢平生詎習從衡約笑本初公路亦家駒  
爭殘著 穿花蝶啣梅雀土銼冷高軒却縱蒲輪束帛誤  
人之藥煖足那須東閣被安心自守空山鑰任門前白盡



漢江山休相索

袁宅

大獵城南此年少王家鎮惡何況是姿容比玠從奴勝霍  
帶雪能騎千里馬殺人不受三章約正射鵬時候暮雲平  
弓弦著 能逐兔能撥雀揮杯飲休辭却向諸君笑語此  
非鴟藥旦日醉從屠狗博昨宵怒奪城門鑰看耽擱玉色  
雪中馳難追索

馬上

舉舉師師正春病心情小惡蚤則是雪飛寶篆寒生錦霍  
無力渾如儂樣性難憑恰似郎邊約倚銀篝小語罵輕狂  
偏偎著 紫簾蒜騰釵雀斜復整行還却好搗殘玉杵和  
他面藥厖眼初睺驚六出曲中小響倉琅鑰又平康狎客  
喚銀瓶寒簾索

曲中

大雪江天笑萬里北風作惡據只向屠門大嚼磨刀霍霍

季布田中亡命客，盧家堂後消魂約。正雪深兀坐酒樓中，思量著。車中婦，山頭雀，恨不了。愁難却，總無如一醉勝。他行藥小婦，且擎紅玉碗，金吾漫鎖春城鑰。拍糟床，極愛酒家郎，頻呼索。

酒家

陳郎以扇索書爲賦一闕

父名陳九曲中老教師

鐵笛鈿箏還記得，白頭陳九曾消受。妓堂絲管毬場花酒籍，福無雙。丞相客，善才第一琵琶手。歎今朝，寒食草青青，人何有。弱息在佳兒，又玉山皎瓊枝，秀喜門風不墜家聲。依舊生子何須李亞子，少年當學王曇首。對君家兩世濕青衫，吾衰醜。

江村夏咏

百頃風潭鎮日展，風漪八尺向此處。未妨飲噉且須琴奕。

籬笋細醃紅縷豉吳鹽小下銀絲鯽待體中脫復有佳時  
哦周易 北垞外寒雲白西崦畔蒼烟積更水鳬將子縱  
橫飛拍老子難拋白玉塵少年喜拓黃金戟總風情輸與  
牧牛兒斜陽笛

野水濛濛掩映處烟扉三兩美門外黃雲穉稭麥塲如掌  
叱叱村頭驅犢返瀟瀟江口叉魚往喜田園四月不曾閑  
人勞攘 嫩晴後桑陰敞老屋下田歌漾更芋區新灌鵝  
群初放婆餅焦啼秧馬活社公雨過纜車響笑吳儂原住  
五湖邊曾呼長

畧約東頭有蟹舍斜連荻市追涼處田夫說餅風情靡靡  
傳飢渴匙薑韭滑餠餽膠口椒橙美更傳聞櫻笋賤如泥  
今年裡 叉手舞揎拳起缸面酒長腰米想大官厨味不

過如此老我田園河射角笑他宦仕車生耳  
漏潮風剛於此時來欣然喜

碧浪初圓凭水閣脫巾獨立誰作伴數竿籬竹一甌茗汁  
似有聲來茶磴轉斷無人處村春急正日長撥悶枕書眠  
斜川集 樵花上珠堪吸荳花底涼堪裛看瀾茫一派雨  
簑烟笠搏黍鳥啼勤又嬾鱗魚風起吹還澁恰衝泥隣叟  
墊巾來芒鞋濕

雨欲成時聽村北村南鴨鵝行樂處柴門藤束溪腰樹夾  
水剪越羅吳縠樣山臨范緩倪迂法任科頭箕踞受松風  
新涼霎何必學呼名鴨且自荷隨身鋪儘一丘一壑此  
生寧乏雲起怒排臨陣馬澗鳴冷試搗箏甲更歸來滴滴  
玉蛆聲糟床壓

丁字畦邊見一帶陰陰夏木扶疎甚釣絲斜漾菱絲大熟  
鶯煖鰓魚新上市草香蠶子齊登簇喜炊烟一縷裊江邊  
燃湘竹 菱鷄唱溪流足姑惡叫山光綠聽樵歌正斷漁  
歌又續泥滑婦愁微雨蝓村溪兒趁朝涼讀更柳塘吹起  
犂牛風波如縠

捲盡銅官都繚繞吾廬左右論生計蹲鴟一頃菰蒲百畝  
矮屋村扉多蘸水澄潭釣艇斜依柳恰月明漁網截江來  
歌銅斗 烟漸歛籠鴉舅雨又作鳴鳩婦正湖風側帽林  
花墮酒戲就攤錢淮估語悶思斫鱸吳娘手待明朝重榨  
甕頭釐呼溪友

澤國人家門以外水田渺渺無過是明潭淺瀨烟蒲風篠  
雪浪江帆喧晝夜鷄頭菱角知多少泊數行笳笛忒玲瓏

漁蠶遶 新暑退蘆塘  
宵殘月映溪堂皎  
且榜他碧石沽  
來清醪一雨平湖涼  
思滿數聲林笛離情悄  
正水雲空濶  
晚冥冥沙鷗矯

天水空濛蘆花內  
茆菴一箇長夏裡  
溪干乘興短篷掀  
簸十里烟波鷗世界  
半盂茗汁僧功課  
更寺門竹翠劇憐人  
如何睡 洗鉢罷  
苔陰坐捶琴歇花關臥  
愛栗畱聲脆枇杷葉  
大便住隨師聽浴鼓  
再來何日開烟柁  
約搓橙剖橘  
好時光還重過

時過浣花禪師

三伏炎熾吳牛喘  
老顛欲裂詎便少  
池荷半畝山松百尺  
赤日紅塵那可耐  
哀梨并剪無從覓  
且臨風快讀劍南詩  
傾一石 堂堂處  
裝何急咄咄處人都  
逼筭功名馬稍閑  
山梁益綠髯雙螯寒  
夜擘白頭猛虎霜天  
射漸卷終不覺

海風生水車晷

歲暮渡江用宋荔裳觀察曹顧庵太史王西樵考

功倡和原韻

六幅蒲帆掠江下玻璃綠漲中流處  
舉杯遥賀焦先無恙一片鄉愁殘墨下  
五更僧語空舫上喜網來白小不論錢  
漁蠻餉看蟹舍沙頭漾聽銅斗船頭唱  
喝岷江有水速成醇釀估客使船都似馬  
吳兒踏浪何須杖剪燭花醉眼看魚龍  
離奇狀

舟次潤城謁程崑崙別駕

此地孫劉想萬馬川騰谷漲公到日  
雄關鐵鎖東流無恙上黨地爲天下脊  
使君文在先秦上更縱橫羽檄氣偏豪  
籌兵餉天上月波心漾隔江笛樓頭  
唱歎江山如此可

消官醖側帽高張臨水宴掀髯勇策登山杖踞寒崖拂薜  
剔殘碑猿猱狀

懷阮亭

隋帝宮門楊柳岸春濃花漲會密報杜家書記平安無恙  
相賞每多松石意此情原在錢刀上記紅橋風月六年游  
皆君餉瓜菓讌離旌漾禪智寺驪歌唱任吳霜髻裡漸  
爲君釀謾說休文圓帶減吾年四十還須杖夜闌時夢汝  
帽簷斜論詩狀

聞阮亭罷官之信并寄西樵

鼎鼎朱門滿眼是膨脬腹漲誰得似心情半嬾風情微恙  
阿堵考君材最下孔方阻爾書難上筭人間只有菱荷裳  
堪相餉華不注樵風漾輟固里蠶娘唱使漸離和曲杜



康佐釀才子爲官休亦好弟應荷篠兄携杖記相人原說  
使君非癡肥狀

乙巳除夕立春

爆竹一聲吾廬外千門烟漲喜今夜新春殘臘田園無恙  
南國舊游稀眼底西京遺事來心上記黏鷄彩燕廿年前  
擱街餉 滄桑換都拋漾頭顱老休歌唱且左燒紅燭右  
傾家釀鬱壘欹斜頭上帽神茶脫落腰間杖笑人憐桃偶  
偶憐人同斯狀

父念兒耶珠淚迸溪流同漲屈指筭四時作客三秋抱恙  
山左未尋周櫟下廣陵且覓王貽上乍樞花時節載愁還  
堪誰餉 弱女嫁羅衣漾諸弟隔羈鴻唱又匆匆去買高  
郵雪釀寒夜纔歸陽羨棹燈前擬試金焦杖向泉臺泣數

一年間飄零狀

將爲鄧尉看梅之行先寄吳中諸子

二陸三張曾轟飲劍池春漲吾語女千年花草至今無恙  
柳絮微風胥渡口梨花細雨臯橋上自別來僕病負諸君  
尊鱸餉 俛俛甚游絲漾芒芒極雛鶯唱漸欲寒欲煖暗  
將梅釀我意巾車還躍馬君其挈榼兼扶杖待月明飽玩  
萬山巔橫斜狀

贈朱亦巖先生

先生楚人

湘入瀟波極望處楚天碧漲來領袖五湖詞賦齊盟無恙  
蕭帝宅荒葭菼外昭君村在秭歸上羨風騷兩地仗斯人  
從天餉 珠玉走龍蛇漾白雪和幽蘭唱看江花狼籍班  
香醞釀他日定爲公子繡此時敬撰先生杖謝君侯未面

已憐余疎狂狀

何明瑞先生筵上作

辛巳歲先生在陽羨令幕中授予童子第一

陽羨書生記年少劇於健馬公一顧風髯霧鬣盡居其下  
兩院黃鸝佳子弟三條紅燭喬聲價恰思量已是廿年前  
淒涼話鐵笛卽南徐夜玉山倒西窗下且擗蒲六博彈  
箏行炙被酒我思張子布臨江不見甘興霸只春潮漲雪  
白人頭堪悲咤

題尤悔庵小影次韻

快馬健兒記當日先生自許誰信道驂驪一蹶長鳴憶主  
淒切新詞楊柳月悲涼雜劇梧桐雨悔庵工樂府梧桐雨元白仁甫所撰更  
北平回首暮雲低呼鷹處悔庵司李北平朝共市難容與山共  
水聊延佇且岑牟單絞搔頭箕踞于石硬弓干日酒三條

樵燭三拋鼓正男兒失路迷生平踏問語踏問而語見公羊

天語琳瑯曾比汝殿前之柳今老矣漫云才子居然聱叟

三弄笛吹桓子野雙九髻挽王曇首儘數來作達昔人多

如君否 郢有鬼還叉手舌尚在終開口肯車中閉置學

他新婦趙道士爲盤內舞銅將軍侑花前酒對董龍半醉

語喃喃何鷄狗董龍爾是何鷄狗見南北史

過邯鄲道上呂仙祠示曼殊曼殊工演邯鄲夢劇

絲竹揚州曾聽汝臨川數種明月夜黃梁一曲綠醅千甕

枕裡功名鷄鹿塞刀頭富貴麒麟塚只機房唱罷酒都寒

梁應動 久已判緣難共經幾度愁相送幸燕南趙北金

鞭雙控萬事關河人欲老一生花月情偏重筭兩人今日

到邯鄲寧非夢

自封丘北岸渡河至汴梁

濟濟河聲振柁處怒濤千尺絕壁下魚龍悲嘯水波欲立  
一派灰飛官渡火五更霜灑中原血間成臯京索事如何  
都陳蹟 蟲牢外風蕭瑟廩延畔沙堆積試中流騁望百  
憂橫集混混且拚流日夜茫茫不辨天南北但望中似見  
有人烟陳橋驛

封丘古蟲牢  
延津古廩延